

U Ciucciu è U Pallò

Ti darà l'orizzonte
U ventu cù u sole
E piaghje è po i monti
L'acelli in lu so volu.

Ti darà a billezza
L'abbracciu è a spartera
E tutte e ricchezze
Di l'antica maniera.

Ti darà u battellu, u portu, u viaghju
U ventu ind'è e vele, a casa, u pagliaghju.

Tutte e puesie di i pueti veri
A casa aparta à tutti, paisani o furesteri
Ti darà a passione è a simplicità
E l'amore di l'altri per fatti viaghjà.

Ti darà a putenza, u garbu, senza viziù
E po u so pallo in segnu d'amicizia.

Ti darà u so fiatu l'immensu di u so core
Tale una mamma a passione è l'amore
Ti darà a so corsa à i chjassi di a storia
E u pugu pisatu in segnu di vittoria.
E infine l'eternu di una testa mora Bis
Stampata in focu d'oru annantu à u so core.